



competition commission  
south africa

# **HO REKWA HA YUNIFOMO YA DIKOLO LE THEPA YA HO ITHUTA**

TATAISO YA DIKOLO, BATSWADI LE DI-SGB



*a growing, deconcentrated and inclusive economy*

[www.compcom.co.za](http://www.compcom.co.za)



## Tataiso ena ya ho reka yunifomo ya sekolo le thepa ya ho ithuta e reretswe ho:

Ke dilemolemo Competition Commission e fuputsa ditletlobo tse mmalwa tsa batswadi le bahlokomedi kgahlanong le dikolo le barekisi ba diyunifomo tsa dikolo. Batswadi ba ile ba tletleba haholoholo ka dintho tse tse pedi:

1. theko e hodimo ya yunifomo ya sekolo; le
2. dikolo tse ding di qobella batswadi ho reka yunifomo le thepa e amanang le ho ithuta ho morekisi a le mong feela.



Boitshwaro bona bo siya batswadi ba tjhone ha dikolo di bulwa mathwasong a selemo ebole ba ikutlwa ba sulafalletswe hobane ba sa kgone ho reka yunifomo ya sekolo ho barekisi ba tjhipi.

- ho thusa dikolo, batswadi le di-SGB ho utlwisa melemo ya tlhodisano thekisong ya yunifomo ya sekolo le thepa ya ho ithuta;
- ho thusa dikolo ho kgothalletsa tlhodisano pakeng tsa barekisi ba diyunifomo tsa sekolo le thepa ya ho ithuta;
- ho kgothalletsa batswadi ho ameha le ho sebedisa tokelo ya bona ya ho kgetha seo ba nkang se tshwanelwa ke hore ba se reke ka tjhelete ya bona; le
- ho kgothalletsa di-SGB ho theha maano a kgothalletsang mekgwa e nolofatsang tlhodisano ya ho reka.

Haeba dikolo, batswadi le di-SGB di sebetsa mmoho, theko ya diyunifomo tsa sekolo le thepa ya ho ithuta e ka fokotseha.

## **Ke hobaneng ha tlhodisano e le ya bohlokwa ha ho rekwa yunifomo ya sekolo le thepa ya ho ithuta?**

Ha barekisi ba yunifomo ya sekolo le thepa ya ho ithuta ba tlhodisana hore ba hohele bareki, ba dula ba kgothalletswa ho ntlafatsa boleng ba thepa e rekiswang le ho fokotsa theko ka sepheo sa ho kgothalletsa batho ho reka ho bona. Ka maswabi, ha ho se jwalo, ho ba le mathata: ha barekisi ba sa tlhodisane mme ba kgodisehile hore ba tla fumana bareki ho tswa sekolong se itseng - ebang lebaka ke hore dithlokeho tsa yunifomo ya sekolo ha di tshwane kapa hobane sekolo se na le tumellano e ikgethang le morekisi a le mong - ebe ba fellwa ke tabatabelo ya ho tswela pele ba ntlafatsa boleng kapa ho fumana ditsela tsa ho fokotsa ditheko tsa bona.

Nako e fetileng e pakile hore tlhodisano ke tsela e molemo ya ho etsa hore barekisi ba qape thepa ya boleng bo hodimo ka ditheko tse tlaase kamoo ho ka kgonehang. Ho na le Competition Commission ho tiisa hore tlhodisano e tswela pele mmarakeng ona le ho netefatsa hore qetellong bareki ba una melemo ya tlhodisano: e leng boleng bo phahameng ka ditheko tse tlaase.



### ***Seo dikolo di ka se etsang ho theola theko ya yunifomo ya sekolo***

Kenyelletsa, o se ke wa qhela



Atisa menyeta



Fokotsa, sebedisa hape le ntjhafatsa



Bita le ho tjhentjha



- **Kenyelletsa, o se ke wa qhela:** dikolo di lokela ho etsa hore diyunifomo tsa bona ebe tse tlwaelehileng kamoo ho ka kgonehang e le hore batswadi ba se ke ba tlameha ho di reka ho morekisi a le mong feela;
- **Atisa menyeta:** dikolo di lokela ho kgetha kapa ho hlwaya barekisi ba bangata kamoo ho ka kgonehang ba diyunifomo tsa sekolo e le hore bareki ba ka ba le dikgetho tse eketsehileng;
- **Fokotsa, sebedisa hape le ntjhafatsa:** palo ya dintho tse kgethehileng tse

fumanwang yunifomong ya sekolo di lokela ho fokotswa hore ebe tse hlokeheng feela mme moo ho kgonehang, ebe dintho tse ka sebediswang hape e le ho fokotsa ditjeho tse iphetang le tshenyo. Leha ho le jwalo, kgetho ena ha e kgothalletswa dinakong tsena tseo ho se nang botsitso tsa ka sewa sa Covid-19; hape

- **Bita le ho tjhentjha:** haeba dikolo di tlameha ho kgetha bafani ba itseng ba ditshebeletso, di tlameha ho etsa jwalo kamora mokgwa wa ho bita mme di lokela ho tjhentjha barekisi kgafetsa.



## **Seo batswadi ba ka se etsang ho fokotsa theko ya yunifomo ya dikolo**

Leba mabenkeleng  
a sa tshwaneng



Buella le ho  
kgothalletsa



Ntshang mahlo  
dinameng



- Leba mabenkeleng a sa tshwaneng:**

batswadi ba lokela ho sebedisa tokelo ya bona ya ho kgetha le ho batla ka matla thepa ya boleng bo tshwanang ka ditheko tse tlaase;

- Buella le ho kgoothalletsa:**

batswadi ba lokela ho ema ka maoto ho kgoothalletseng dikolo tsa bona ho kenya tshebetsong ditataiso tsa Competition Commission tse amanang le ho rekwa ha

yunifomo ya sekolo le ho saena boitlamo ntlheng ena. Ditokomane tsena di fumaneha webosaeteng ya Competition Commission; hape

- Ntshang mahlo dinameng:** batswadi ba

lokela ho re tlalehela ka dikolo dife kapa dife tse tlolang ditataiso tsena le ho tswela pele ho saena ditumellano tse ikgethang le barekisi ba diyunifomo tsa sekolo.



## **Seo di-SGB di ka se etsang ho fokotsa theko ya diyunifomo tsa sekolo**

Ikobele  
molao



Ntsha mahlo  
dinameng



- Ikobele molao:** Di-SGB di lokela ho tiisa hore dikolo di kenya tshebetsong ditataiso tsa Competition Commission tse amanang le ho reka diyunifomo tsa sekolo. Hape di lokela ho saena boitlamo ba bothaopo ntlheng ena, e le boikano setjhabeng ba hore di ikemiseditse ho imatahanya le mekgwa e nolofatsang tlhodisano. Ditokomane tsena di fumaneha webosaeteng ya Competition Commission; le ho

- Ntsha mahlo dinameng:** Di-SGB di lokela ho re tlalehela ka dikolo dife kapa dife tse tlolang ditataiso tsena le tse tswelang pele di saena ditumellano tse ikgethang le barekisi ba diyunifomo tsa sekolo.

## **TSELA YA HO TLEALEHA**

Dittlebo di ka romelwa Competition Commission ena ka e nngwe ya ditsela tsena tse pedi tse bonolo:



**Tlatsa foromo ya Fomu CC1 e kgutshwanyane,**  
eo o ka e fumanang ho [www.compc.com.co.za](http://www.compc.com.co.za), ebe o tshwaela tlhaloso e kgutshwanyane ya dingongoreho tsa hao. Ebe o romela foromo le tlhaloso ho [ccsa@compc.com.co.za](mailto:ccsa@compc.com.co.za); kapa



**Romela WhatsApp ho**  
**084 743 000 e nang le**  
**tlhaloso e**  
**kgutshwanyane ya**  
**tittlebo ya hao.**